

آبونه شرائطې

ملاك عثمانیه ده سنه لکې (۶۵)، الق
آبونه (۲۵) غروښدر .

ملاك اعظمیه ده سنه لکې (۱۷)، الق
آبونه (۹) فرانقدر .

اراره خانه

باب عالی جاده سنده دائره مخصوصه .

اخطارات

آبونه بدلی پشندر .

مسلكه موافق آثار مع الممنونیه قبول
اولنور . درج ابدله بن یازیلر اعاده
اولونماز .

الشرق

س ۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در.

اخطارات

رساله مزین آلمدینی کوسترلك شزطله
شون یازیلر هر هانکی ره ره طرفان
انتباس اوآونه یازیلر .

مکتوبلرک، امضالرک وضع و اوقوناقل
اولمی و آبونه صره نوموس محترمی
بولونمسی لازمدر .

ملاك اعظمیه آچون آبونه اولر
آدرس لرینك فرانسجه ده یازیلر ما
اولنور .

پاره کوندرلدیكن ان نه یه دئ اولدیك
واضعا پیادیرلمی دجا اولنور .

اتبعون اهدكم سبیل الرشاد

صاحب دمبرمسئول: ح. اشرف ارباب

والله یهدی من یشاء الی صراط مستقیم

جلد ۱۱

۲۰ شباط ۱۳۲۹

پنجشنبه

۷ ربیع الآخر ۱۳۳۲

عدد ۲۸۹

نَفِیْسُ شَرِیْفٍ

بِسْمِ اللَّهِ الرَّحْمَنِ الرَّحِيمِ

وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا ...

ترجمه سی

هیکنز بردن اللهك کتابنه صیم صقی طوتونکیز؛

بر بریکیزدن آیر یلاییکیز ...

سنه اول کچمش بر دورده بوکا بکزر بر حادثه ظهور ایتسه ده اونی
تاریخده کورسه قای خاجانه ، غیرت دینیسی غلیانه کلیر .

مسلمانلر شریعتلرینک پک صریح اولان نصوصی مقتضاسانجه
حوزه حکومتلرینه داخل اولان بلدانی محافظه خصوصه صنده عندالله
مسئولدرلر . بو مسئولیت افراد مسامینک کافه سنه شاهلدر . یقین ،
اوزاق؛ جنسیتده متحد ، مختلف نه قدر مسلمان وارسه بو وظیفه
هپسینک اوزرینه فرض عیندر . اقوام اسلامیه دن بری حوزه ولایتی
حمایه ایتمسه او قومی تشکیل ایدن افرادک هر بری اک بویوک بر وبالی
ارتکاب ایتمش اولور . کذلک ایجابنده ماملکنی ، حیاتی فدا ایتمک ،
هر درلو شدائی اقتحام ایلمک ، معظمت امور ی آسان کورمک کبی
محافظه مملکتک استلزام ایده چکی فدا کارلقلرک کافه سی مسلمانلرک
اوزرینه فرضدر .

هر مسلم صمیم موجودیتندن بر صدانک یوکسلدیکنی طویارکه اوکا
دیناً و شرعاً مأور اولدینی فرائضی ایفا ایتمسی اخطار ایدر . الهامات
دینک بقیه سندن باشقه بر شی اولیان بوصدا بر هانتف حقدر .
بونکه برابر کورویورزکه زمانمزدکی مسلمانلر لاقیدی محض ایچده
یاشایورلر ؛ بری دیکرینک حالندن ، او بری دها اوته کینک المنندن
خبردار بیله دکل . بلوچستان سکنه سی افغانیلرک مصیبتندن ، افغانیلر
ایرانده کیلرک فلا کتندن هیچ متأثر اولیور .

عقاید دینیله برابره مسلمانلرک شو حالی موجب
حیرتدر . بونک نه دن ایلری کلدیکنی مجملای بیلدیرلم : کرک افکار ،
کرک عقائد ، کرک معلومات و معنویات انسانک بوتون اعمال خارجیسی
اوزرنده یکانه مؤثر ایسه ده اولنرک کافه سنی تثبیت ایدن ، طبیعت
شکلنه ، مملکه حائنه کتیرن قوت شبهه سزینه اعمالدر .

مسلمانلرک دینلرینه قارشی او یله بر اعتمادی ، ایمان یقینلری
خصوصنده او یله بر ثباتی واردرکه سائر ملتله اونکه اظهار مباهات
ایدرلر . عقیده لری ایسه آرملرنده متین بر رابطه حصوله کتیره چک
اسبابک الذصاغلامنی احضار ایدر . قلوب مسامینده رسوخ بولان عقائد
اساسیه دندرکه الله ایمان ایتمک ، جناب پیغمبرک تبلیغ ایلدیکی حقائق
تسایم ایتمک سعادت دارینی کانلدر ؛ ایمانندن محروم اولان سعادت
فانیه وباقیه بی غائب ایدر . مسلمانلر ، خروج عن الدینه محکوم اولمش
پر آده موته محکوم اولمش قدر آجیرلر . بو حال علماده اولدینی کبی
آحاد ناسده ده واردر . بر درجه ده که عالم اولسون جاهل اولسون بر
آدم دنیانک هر هانکی نقطه سنده بولنان دیکر بر آدمک شرف اسلامیتدن
تعری ایتدیکنی خبر آیر آلمانز ، اک بویوک بر مصیبتی استخبار ایتمش
کبی لاحول کنان اولمنه باشلار . حتی دکل کندی زماننده ، یوزلرجه

اوت ، انسانك انسانیتی فکریله ، عقایدیله قائمدر ؛ آنجق مرایای عقلیه سنه انعکاس ایدن مشهودات نظریه ومدركات حسیه سی کندیسی بک شدتلی بر صورتده متأثر ایدر . هر مشاهده بر فکر ، هر فکر بر میل ، هر میل بر عمل حصوله کتیرر . ارواح ایله اجسادك مناسبتی دائم اولدجه افکار ایله اعمال آردسندگی ارتباط زائل اولماز .

کرك اخوتك ، كرك سائر قرابت نسبهك ذهنده بر صورت معنویه سی واردركه نسبداشیر آردسندگی الجای ضرورتله بر تعاون مادی وقوعه کلدجه ، جلب منفعت ودفع مضرت ایچون بونلر ال اله ویرمدکجه اوصورت معنویهك هیچ بر تأثیر ظاهریمی اولماز . لکن بویله بر اتحاد اولور ودوام ایدرسه اوزمان قرابت نسبه دنیلن قوت قلبده بر موقع ، بر نفوذ مطلق قازانیر . آرتق قرابتی اولانلره معاونت روحك بر ذوقی اولور ، اولنره اصابت ایدجك فلاکتدن نصیبه دار تأثر اولق آچلق ، صوسزلق کی احتیاسات طبیعی صرسته کجر . فقط قرابت نسبه ثابت اولدقدن صکره اونی صورت مادهده تشید ایدجك هیچ بر سبب حیاتی ظهور ایتز ، یا خود نسبداشیر بیکانلر آردسندگی کندیلرینه مظاهر بولهجق اولورسه اووقت قرابت نسبهك ذهنده کی صورتی محفوظات عادیه کی برشیدن عبارت قاله رق ظاهرده هیچ بر اثر مادیسی اولماز .

روابط بین البشرک الکتینی اولان رابطه نسبه حقهنده قابل تطبیق اولان شومثل هیئت اجتماعیه اوز رنده تأثیری اولان بوتون اعتقادات حقهنده جاریدر . اوت ، بر عقیده فکریه ، اثری اعضای خارجیهده صورت دائمده تکرر ایدن بر عماله سائق اولماز و اوعمالك اثری تکرار تکرار فکره انعکاس ایدرك عادتا روحك بر هیئتی ، برشکلی درجه نه کلزسه اویله بر عقیده فکریهك هیچ بر تأثیر ظاهریسی اولمیه رق آنجق دوشونلدیکی زمانلر تحظر ایدیله بیان صور معلومات قبیلندن تلقی ایدیله بیایر .

بک واضح اولان شواساسلر نظر حکمتله تأمل اولنورسه مسلمانلرک دینلرینه اولان تمسکلی ایله برابر بوکونکی مسکلتلری ، اخوان دینلرینه دست معاونت اوزاتمق کی وظائفدن غفلتلری نهدن ایلری کلدیکی میدان چیقار . مسلمانلر عقیده لرنده الك ثابت بر ملت اولقله برابر اهل اسلام آردسندگی عقیده دینه دن ، لکن اعماله تابع اولمیان صرف بر عقیده دینه دن ماعدا جهت جامعه قائماشدر . بینلرنده معارفه منقطع اولمش ، بر برندن هجر غیر جیل ایله مهجور اولمشلردر . عقائدی محافظه ایدجك ، خالق سبیل رشادی کوستره جك اولان علما آردسندگی نه مواصله ، نه ده مراسله قطعاً یوق ؛ ترك عالمی ، اوزاقده کیلر شویله طورسون ، حجازده کی عالمک بیله حالندن خبردار دکل . هندستان علماسی افغانستان محیطنده کی شونه قارشى غفلت محض ایچنده . حتی بر مملکتده کی علما آردسندگی بیله اتحاد ناسی جمع ایدن اسباب خصوصیه دن ماعدا رابطه مفقود . هیئت عمومیه لرینه کلانجه آردلرنده نه وحدت ، نه ده بر نسبت موجود دکل . هر بری یالکز

کندیسنه بافور . باشلی باشنه برکائنات ایش کی نفسیله اکتفا ایدرك یانی باشندگی نظر التفاته المیور .

علمای دین آردسندگی بو وحشت ، بو مبادعت ملوک اسلام آردسندگی جاری . سلطنت عثمانیهك مرا کشده ، مراکشک عثمانیلر نزدنده بر سفیری اولامسی غریب دکلکی ؟ دولت علیهك افغانیلرله ، شرقده کی دیگر طوائف مسلمین ایله مناسبات صمیمیه سی بولنامسی تحف اولیوردی ؟ بو تفرقه لر ، بو بیکانه طورلر بوتون مسلمانلره سرایت ایتدی . بر حالده که بر قومک دیگرله ، بر بلدهك اوبریله اولانجه علاقہ سی عینی دینده ، عینی عقیده ده بولندقلرینی خیال میال بیلمکدن عبارتدر دینه بیلور . حتی بولندقلری موقعلری بیله موسم حجه بالتصادف یکدیگرندن اوکره نیورلر . واسفا که زوالیلرک بر برلری حقهنده سوق تصادفه حاصل ایتدکلری معلومات کندیلرینه بک آجی بر طاقم حقیقتنر اوکره تیور ! ملت قوی البذیه ، صحیح المزاج بر وجود عظیم ایکن معروض اولدینی حادثات اجزای مرکبه سی آردسندگی آنکی خللدار ایتدی . اوبیان معظم انحلاله یوز طوتدی . هر جزؤ استقلاله ، یعنی اضمحلاله اوغراشیور .

روابط اسلامیهك بوضعفی ؛ بوانحلالی رتبه علمك مرتبه خلافتدن انفصالی ایله باشلامشدر . اوت ، خلفای عباسیه ، خلفای راشدیک مسلك جایلنی تعقیب ایدرك اصول وفروع دینده اجتهاد درجه بنده بر علم ایدمکسزین یالکز خلافتک اسمیه اکتفا ایتدیلر . بوندن طولای مذهب چوغالدى ، قرن ثالث هجرتدن اعتباراً خلاف اودرجه یی بولدی که هیچ بر دینده امثالی سبق ایتماشدر . صکره وحدت خلافت خللدار اوله رق بر قاچ قسمه آرلدى ، عباسیلر بغدادده ؛ فاطمیلر مصرده ، مغربده ؛ امویلر اندلسده خلافت تشکیل ایتدیلر . ارتق جماعت مسلمین تفرقه یه گرفتارا ولدی . رتبه خلافت وظیفه ملك درجه سنه ایندی . نظر لرده کی هیئت سابقه سی قالمدی . سلطنت طلبنده بولمانلر یالکز وسائل شوکت وقوتی جمع ایتك جهتی الزام ایدرك خلافت طرفه هیچ باقدیلر .

هله جنکیز خان ایله اولادینک ، تیمورلنک ایله احفادینسك میدان چیقارق طرف طرف بلاد مسلمینی قن ایچنده بر اقلری مات آردسندگی اختلافی آرتیردی ، روابطی بسبتون محو ایتدی ، ملوک ایله علما آردسندگی عروه اتحاددن اثر قالمدی . هر بری کندی باشنه ایش کورمکه باشلادی . میدان آلان نامتناهی فرقه لر یار سلطنت تشکیلنه ، یا خود بر مذهب تأسیسنه اوغراشیدی . وحدته سوق ایدن ، اتحاد ایله امر ایدن عقائد کوشه دی . او عقیده لرک عقولده کی اشکالی یوقاریده سوبلدیکمز بی سود وبی عمل برر صورتدن عبارت قالدی . بر حالده که بوکون بر جماعت اسلامیه اصابت ایدن فلاکت دیگر بر جماعت اوزرنده اولویه آجیمق قبیلندن اوله رق بر تأثیر حصوله کتیریورده او مصیبتك دفعی ایچون هیچ بر اثر حیات اویاندیرمیور .

وراثت انبیا ایله مشرف اولدقلرینی لسان شارعدن دویان علما

ایچون حق وراثتی ایذا ایتک واجبدرکه بوجیهه رابطه دینی یی یکیدن تحکم ایتک ، دینک آمر اولدینی آنک اتحادی قوتلشدیره رک اورتده کی وحشت واختلافی قالدیر مقله ادا ایدیله بیایر .

بو مقصد خیرک حصولی ایچون جامعلرده ، مدرسه لرده طوبیلا علی ؛ هر جامع ، هر مدرسه روح اتحادک هبو طکاهی اولمی ، هر بری عین سلسله یی تشکیل ایدن حلقه لر منابه سنده بولنلی . بتون اقطار علمده کی عالمی ، خطیبی ، امامی ، واعظی عقد رابطه ایدرک حصول اتحادی عائد شئونک مذاکره سی ایچون مراجعتکاه اولوق اوزره ارضک مختلف نقطه لرده مرکز لر وجوده کتیر می . عوامک لندن طوتهرق کتایب اللهک ، احادیث صحیحنه ک کوستر مکده اولدینی سعادت حقیقه ومدنیات فاضله یی طوغرو سوق ایتلی . بو جدلکاه حیاته مسلمانی لری سائر ملت لردن بو درجه لرده کری براقان اسبابی ایجه تدقیق ایدرک بر آن اول ازاله سی چاره لرینه باقلی . علوم وفنونی تعمیم ایتلی . شریعت بیضایی محاط اولدینی بدعت لردن قورتار می . اسکی بدعت لری برر بر محو ایلدکن باشقه یکیدن ظهور استعدادینی کویستر نلرکده شیوعنه قطعاً میدان ویرمه می .

جداً تأسف اولنورکه بر حزب قلیل استتنا ایدلیدی صورتده علمای امت بوقدر آسان اولان بر وسیله یی توسل ایتیمور لر . ملوک مسلمیندن ، حمیتپروان علمادان امید ایدرکه او حزب قلیلی مظاهر تریله ، نصرت لریله تأیید ایدرلرده آرتق بو پریشانانیه بر خاتم ویریر لر . عصر لر دنیزی طاندیغمز آجی تجربه لر بزم ایچون اویله واضح برر درسدرکه باشقه سنه احتیاجز یوقدر . یقینه کیلره دست مواختی طوغرو دون طوغرویه اوزاتهرق ، اوزاقده کیلری ده بالواسطه محیط اخوته الهرق دینه ، ملتیه مفید اوله جق اسبابی ال برلکیله ازاله ایتک ، بالعکس ضرر ویرده جک حادثاتی یینه ال برلکیله منع ایتک پک کوچ بر شی دکدر . ایشته بویله عالی بر تشبیه بولونانلر اک بیوک فریضه یی ادا ایتش اولور لر . یأسک معناسی یوقدر . حیات امتدن هنوز رمق باقی در ؛ امیدلر ایه دهامقطع اولما مشدر . والی الله المصیر ...

شیخ محمد عبده

فِقْهُ وَفَتْاوی

سبیل الرشاد غزته سنک ۱۵ کانون اول سنه ۱۳۲۹ تاریخ و ۷۵ عددلی و ۱۳۱ نجی هیضه سنده واقع ربالفصلک تجویزی حقنده ا.ح. امضاسیله ویریلان فتوایه ردیده در :

مومی الیه ربالفصلک جائز اولسنه کتورمش اولدینی ادله یی بلا تحقیق سطحی برنلردن امر ایلدیکی بتون کتب تفسیر وحیدیت وفقیه نک منطوق ومفهوملرندن ا کلا مشدر . شویله که کتب تفسیره دن جلالین

حاشیه سنده فتوحات الهیه صاحبی شیخ سلیمان جل حضرتلری «الذین یا کون الربوا» آیت جلیله سنه «وهو ثلثة ربالفصل وربالید وربالنسیه» وتفسیر خطیبده عین مسئله دن بشقه «ولان تأکلوا الربوا اضعافاً مضاعفة» تفسیرنده «والتخصص بحسب الواقع والا فالربا حرام بلا مضاعفة بل هو من الکبائر مطلقاً» وکتب فقهیه دن تنویر الابصار ربانی تعریفده «فضل» دیمه سیله شارحی در المختار «ولو حکماً فدخل النسیه» بویورمش واصل تحرم : ربا فی الزیاده ده اولوب ربا فی النسیه اوکا تابع طوتولمشدر . در المختار حاشیه سی رد المختار «فالظاهر من کلام المصنف تعریف ربالفصل لانه هو المتبادر عند الاطلاق» ومذاهب اربعده معتبر ومعتمد علیه ابن حجر مکی حضرتلری زواج کتایبده «وهو ثلثة ربالفصل وربالید وربالنسیه وزاد ان تولى نوعاً رابعاً وهو ربا بالفرض وكل من هذه الانواع الاربعة حرام بالاجماع بنص الايات المذكورة والاحادیث الآتیه» بویورمش ونیجه کتب اسلامیه بوتعمیمده بولنه زرق وربالزیاده یی ذکرده تقدیم واصل تحرم اعتبار ایتشمشدر . وربالفصلک حرمتیه دائر اذان سامعینی دولدوره جق قدر ، بخاری ومسلم شریف لری کتورمش اولدق لری احادیث صحیحنه دن ماعدا مومی الیه ا.ح. افندیکن غزته ده کتب خمس صحیحنه ک اخراج ایلدق لری «الذهب بالذهب والفضة بالفضة - الحديث» بخاریکن اخراج ایلدیکی «لاتبعوا الذهب بالذهب الابسواء» وطحاوینک اخراج ایلدیکی «لاتبعوا الدینار بالدینارین» احادیث شریفه سی نقل ایلدکن صکره ربالفصلک حرمتی قطعی دکدر ، دیمه سی تخافدر . زیرا «وما یینطق عن الهوی» حکم جلیلنجه بونجه احادیث شریفه الیه حرمتی ثابت اولان بر مسئله فصل قطعی اولماز ؛ غالباً زعمنجه قطعی اولدینی بخاریکن اخراج ایلدیکی «لاربا الا فی النسیه» ومسلمک «انما ربا فی النسیه» حدیث شریف لردن ا کلام مشدر . بویکی حدیث شریف قصر قلب ویا قصر افرادی اولدینی حسیله ظاهر آربانک یالکیز نسیه ده حرام اولدینی مشعر ایساده مومی الیه اول امرده ربا فی الزیاده نک حرمتی حقنده کی احادیث شریفه الیه بویکی حدیث ییننده اولان تعارضی نه یایدی ؛ بر مسئله ادله متعارضه الیه ثابت اولورمی ؛ ثانیاً بویکی حدیث شریفک ظاهر به عمل جائز اولوب اولدینی ایوجه تحقیق وتفتیش ایتمه دن فصل نشره جسارت ایتدی . زیرا افندی مومی الیه ابن عباس واسامه حضرت لرینه نسبت ایلدیکی «لاربا الا فی النسیه» «وانما الربا فی النسیه» حدیث شریف لریکن راویسی یالکیز اسامه حضرتلری اولوب ابن عباس حضرتلری آندن اخذ ایتمشدر . وبرزمان ابن عباس اوحدیثک ظاهر یله فتوا ویرمش ایسه ده صکره ابوسعید خدری حضرتلریکن برکون ابن عباس حضرتلرندن : یا ابن عباس سن ربانی الزیاده یه فتوا ویرر ایش سک بونی حضرت بیغمبردن ایشتنک ویا کتاب الله ده کوردکمی ؛ دیه سؤالنده ، جواباً : حاشا نه بیغمبردن ایشتم ، نه ده کتاب الله ده کوردم . یالکیز بکا اسامه حضرتلری بیغمبر صلی الله علیه وسلمک «لاربا الا فی النسیه» بویور دینی ایشتندیکنی سویلکله مشار الیه ابوسعید خدری حضرتلری : بن